

საქართველოს კანონი

საქართველოს შეიარაღებული ძალების სამშვიდობო ოპერაციებში მონაწილეობის შესახებ

ეს კანონი აწესრიგებს საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებსა და სხვა სახის სამშვიდობო საქმიანობაში საქართველოს შეიარაღებული ძალებისა და სამოქალაქო პერსონალის მონაწილეობასთან დაკავშირებით საქართველოს მიერ საერთაშორისო ხელშეკრულებებისა და შეთანხმებების საფუძველზე ნაკისრი ვალდებულებების შესრულებისას წარმოშობილ სამართლებრივ ურთიერთობებს.

მუხლი 1

1. საქართველო მონაწილეობს საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებსა და სხვა სახის სამშვიდობო საქმიანობაში საქართველოს კონსტიტუციის, საქართველოს საერთაშორისო ხელშეკრულებებისა და შეთანხმებების საფუძველზე ნაკისრი საერთაშორისო ვალდებულებებისა და საქართველოს კანონმდებლობის შესაბამისად.

2. ყოველ ცალკეულ შემთხვევაში საქართველო დამოუკიდებლად განსაზღვრავს ოპერაციებში მონაწილეობის მიზანშეწონილობას.

3. ამ კანონის მიზნების განსახორციელებლად საქართველოს კანონმდებლობით დადგენილი წესით დამტკიცებული შეიარაღებული ძალების რაოდენობის ფარგლებში იქმნება სამშვიდობო ძალები (ქვედანაყოფები და შენაერთები), რომლებიც გადიან სპეციალურ მომზადებასა და სწავლებას (ცეცხლის შეწყვეტის შეთანხმების შესრულებაზე კონკრული, დაპირისპირებული მხარეების დაშორიშორება, მათი განიარაღება და დაშლა, საინჟინრო სამუშაოების წარმოება).

4. სამშვიდობო ძალების სტრუქტურა განისაზღვრება შეიარაღებული ძალების სტრუქტურის ფარგლებში საქართველოს კანონმდებლობით დადგენილი წესით.

მუხლი 2

საქართველოს სამშვიდობო ძალების წარდგენა და გამოყენება საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებისა და სხვა სახის სამშვიდობო საქმიანობის განსახორციელებლად, რომელიც აგრეთვე შეიძლება ითვალისწინებდეს იძულებითი ბომბების გაგარებას, დაუშვებელია საქართველოს პარლამენტის თანხმობის გარეშე.

მუხლი 3

საქართველოს პრეზიდენტი საქართველოს საგარეო საქმეთა და თავდაცვის სამინისტროების წარდგინებით იღებს გადაწყვეტილებას ცალკეული სამხედრო მოსამსახურის ნებაყოფლობითი გაგზავნის შესახებ ცეცხლის შეწყვეტის შეთანხმების,

დაპირისპირებულ მხარეთა დაშორიშორებისა და სხვა ფუნქციების შესასრულებლად საერთაშორისო მშვიდობისა და უსაფრთხოების შენარჩუნებისა და აღდგენისათვის და სხვა ისეთი სახის სამშვიდობო საქმიანობის განსახორციელებლად, რომელიც არ არის დაკავშირებული იძულებითი ზომებისა და სამშვიდობო ძალის გამოყენებასთან.

მუხლი 4

საქართველოს საგარეო საქმეთა სამინისტრო შესაბამის დაწესებულებასთან შეთანხმების შემდგომ საქართველოს პრეზიდენტს წარუდგენს იმ საჯარო მოსამსახურის კანდიდატურას, რომელიც საქართველოს პრეზიდენტის გადაწყვეტილების საფუძველზე დამხმარე სამოქალაქო პერსონალის სტატუსით წარგზავნილი უნდა იქნეს საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებსა და სხვა ისეთი სახის სამშვიდობო საქმიანობაში მონაწილეობის მისაღებად, რომელიც არ არის დაკავშირებული იძულებითი ზომებისა და სამშვიდობო ძალის გამოყენებასთან.

მუხლი 5

1. საქართველოს თავდაცვის სამინისტრო საქართველოს შინაგან საქმეთა სამინისტროს მმართველობის სფეროში არსებულ საჯარო სამართლის იურიდიულ პირთან – საქართველოს მაგერიალური რეზერვების დეპარტამენტთან შეთანხმებით საქართველოს პრეზიდენტს წარუდგენს წინადადებებს სახელმწიფო მაგერიალური რეზერვებიდან მაგერიალურ-ტექნიკური, სახმელეთო, საჰაერო და საზღვაო-საგრანსპორტო საშუალებების გამოყოფის შესახებ საერთაშორისო მშვიდობისა და უსაფრთხოების შენარჩუნებისა და აღდგენის ოპერაციების უზრუნველსაყოფად და სხვა სახის სამშვიდობო საქმიანობაში მონაწილეობის მისაღებად. (10.06 2005 N 1610)

2. საქართველოს პრეზიდენტი იღებს გადაწყვეტილებას ამ მუხლის პირველ პუნქტში აღნიშნული მაგერიალურ-ტექნიკური საშუალებების სახელმწიფო რეზერვებიდან გამოყოფის შესახებ.

მუხლი 6

1. თუ საქართველომ საერთაშორისო ხელშეკრულებებისა და შეთანხმებების შესაბამისად დაიწყო სამშვიდობო ძალების ფორმირება საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებსა და სხვა სახის სამშვიდობო საქმიანობაში მონაწილეობის მისაღებად, რომლებიც დაკავშირებულია იძულებითი ზომებისა და სამშვიდობო ძალების გამოყენებასთან, საქართველოს პრეზიდენტის დავალებით საქართველოს საგარეო საქმეთა სამინისტრო აწარმოებს მოლაპარაკებებს შესაბამისი ხელშეკრულებებისა და შეთანხმებების ხელმოწერის მიზნით, რომლებიც განსაზღვრავს ჯარების რაოდენობასა და სახეობას, მათ საერთო განლაგებას, მზადყოფნის ხარისხს, მომსახურებისა და დახმარების საშუალებების ხასიათს.

2. ამ მუხლის პირველ პუნქტში აღნიშნული საერთაშორისო ხელშეკრულებები და შეთანხმებები საქართველოს კანონმდებლობით დადგენილი წესით ექვემდებარება რაგიფიცირებას.

მუხლი 7

საქართველოს ყველა საერთაშორისო შეთანხმება და ხელშეკრულება, რომელიც ითვალისწინებს საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებსა და სხვა სახის სამშვიდობო საქმიანობაში სამშვიდობო ძალებისა და სამოქალაქო პერსონალის მონაწილეობას, საქართველოს კანონმდებლობით დადგენილი წესით ექვემდებარება რაგიფიცირებას.

მუხლი 8

1. საქართველოს პრეზიდენტი – საქართველოს სამხედრო ძალების უმაღლესი მთავარსარდალი სამშვიდობო ძალების ან/და სამოქალაქო პერსონალის საერთაშორისო მშვიდობისა და უსაფრთხოების აღდგენისა და შენარჩუნების ოპერაციებში ან/და სხვა სახის სამშვიდობო საქმიანობაში მონაწილეობის მისაღებად წარგზავნისათვის ამტკიცებს ორგანიზაციულ ღონისძიებათა გეგმას.

2. საქართველოს სამშვიდობო ძალების ფინანსური უზრუნველყოფა ხორციელდება საქართველოს სახელმწიფო ბიუჯეტიდან საქართველოს თავდაცვის სამინისტროს ბიუჯეტის ფარგლებში, აგრეთვე სხვა წყაროებიდან.

მუხლი 9

1. სამშვიდობო ძალების მოსამზადებლად საერთაშორისო მშვიდობისა და უსაფრთხოების ამოცანების შესრულების უზრუნველყოფის მიზნით საქართველოს თავდაცვის სამინისტრო:

ა) საქართველოს პრეზიდენტს – საქართველოს სამხედრო ძალების უმაღლეს მთავარსარდალს წარუდგენს წინადადებებს სამშვიდობო ძალების სტრუქტურისა და რაოდენობის შესახებ;

ბ) შეიმუშავებს საქართველოს სამშვიდობო ძალების შემადგენლობაში შემაჯავლი იმ ქვედანაყოფებისა და შენაერთების ნუსხას, რომლებიც მონაწილეობას მიიღებენ საერთაშორისო მშვიდობისა და უსაფრთხოების შენარჩუნებისა და აღდგენის ოპერაციებსა და სხვა სახის სამშვიდობო საქმიანობაში;

გ) ახორციელებს სამშვიდობო ძალების მომზადებასა და შეიარაღებას, აგრეთვე უზრუნველყოფს მათ გექნიკითა და სხვა მაგერიალურ-გექნიკური საშუალებებით;

დ) საერთაშორისო ნორმების შესაბამისად შეიმუშავებს სამშვიდობო ძალების სამხედრო მოსამსახურეთა ფორმის განსაცემლს და განმასხვავებელ ნიშნებს და დასამტკიცებლად წარუდგენს საქართველოს პრეზიდენტს – საქართველოს სამხედრო ძალების უმაღლეს მთავარსარდალს.

2. სამშვიდობო ძალების მომზადება ხორციელდება საქართველოს სახელმწიფო ბიუჯეტის ხარჯზე.

მუხლი 10

საქართველოს თავდაცვისა და საგარეო საქმეთა სამინისტროები, წელიწადში არანაკლებ ერთხელ, საქართველოს პარლამენტს წარუდგენენ მოხსენებას საერთაშორისო მშვიდობისა და უსაფრთხოების აღდგენისა და შენარჩუნების ოპერაციებსა და სხვა სახის სამშვიდობო საქმიანობაში საქართველოს შეიარაღებული ძალების მონაწილეობის შესახებ.

მუხლი 11

ეს კანონი ამოქმედდეს გამოქვეყნებისთანავე.

საქართველოს პრეზიდენტი

ელუარდ შევარდნაძე.

თბილისი,
1999 წლის 22 ივლისი.
N 2292 - რს